

明  
詩  
紀  
事

時至建文龍戰立黃禁遭革除幾同閹位今錄殉節諸臣詩  
冠於永樂之首所以雪十族駢死之沈寃闕千秋正氣之宏  
旨也高皇雄猜誅戮勳臣波及文士再經靖難之禍海內  
流僅有存者文皇右文頓改初政刀砧之餘從事樹建永宣  
以還沐浴膏澤和平嘽緩之音作而三楊臺閣之體興然東  
里文集兩京類稿有文無詩微尙可知扶輿蘊靈風雅代興  
在朝則巽隱琴軒泊菴青城昌祺士昂孟仁松雨敬軒白沙  
壽卿元登老葵在野則葵邱鳴秋孟熙均不愧作者自建文  
至景泰得詩二十二卷題爲乙籤以次授諸梓人云光緒甲  
辰孟冬黔靈山樵陳田

光緒甲辰貴陽  
陳氏聽詩齋刊

明詩紀事乙籤目

卷一

方孝孺

十一首

練子甯

三首

黃子澄

一首

黃觀

一首

卓敬

一首

王叔英

一首

周是修

五首

茅大方

一首

胡閏

一首

劉璟

一首

鄭居貞

二首

方法

一首

胡子昭

一首

卷二

程本立

十五首

陳繼之

一首

程通 一首

樓璉 一首

楊任 一首

葉惠仲 一首

石允常 三首

高遜志 十三首

蔣兢 一首

龔詡 三首

魏澤 一首

唐愚士 八首

王紳 二首

卷三

姚廣孝 十六首

解縉 十二首

楊士奇 八首

楊榮 十六首

楊溥 八首

卷四

胡廣 三首

胡儼 七首

金幼孜 六首

夏原吉 一首

黃淮 一首

黃福 一首

嚴震直 一首

張統 一首

李至剛 一首

劉季篪 一首

葉砥 一首

姚友直 一首

應諤 一首

周宗璫 一首

卷五

陳璉 十首

錢仲益 六首

鄒緝 一首

王璫 十首

王洪 二首

王達 三首

王景 三首

蘇伯厚 三首

曾烜 一首

黃守 一首

吳溥 一首

趙玘 一首

高得陽 四首

鄭本忠 三首

卷六

王紱 十六首

陳繼 一首

謝縉 十四首

趙迪 八首

虞謙 三首

陳登 一首

馬軾 一首

陸頤 一首

金湜 二首

俞行之 一首

謝庭循 一首

吳餘慶 一首

姚微 一首

沈遇 一首

杜瓊 二首

沈貞吉 三首

沈恆吉 一首

劉珏 一首

卷七

梁潛 二十三首

梁混 一首

李孝謙 一首

李悌謙 一首

林環 一首

林珪 一首

鄭闕 三首

鄭閻 一首

鄭瑛 二首

鄭珞 一首

李孟璿 一首

李季衡 一首

王誼 四首

王懌 三首



陳叔剛 一首

陳叔紹 一首

陳仲完 一首

陳寬 二首

陳完 一首

唐庠 二首

唐廣 一首

徐章 一首

徐震 一首

蔣主孝 四首

卷八

曾榮 七首

周述 二首

周孟簡 一首

王直 十五首

王英 七首

章敞 一首

余學夔 一首

章樸 一首

卷九

陳敬宗 七首

李時勉 三首

周忱 一首

李昌祺 十四首

張徹 三首

王恂 一首

羅亨信 三首

羅汝敬 一首

楊勉 一首

熊直 一首

卷十

魏驥 一首

林長懋 一首

陳全 三首

謝瑾 一首

曹闡 一首

薛常生 一首

劉髦 一首

黃暘 一首

錢習禮 一首

熊概 一首

黃壽生一首

林寶一首

馬鐸一首

林誌六首

黎恬一首

余文一首

黃澤二首

陳鎰三首

劉咸一首

林純一首

陳祥一首

王遠一首

卷十一

陳循二首

陳輝八首

李茂弘一首

許彬一首

高穀二首

牟倫一首

蕭儀三首

張居彥一首

李騏一首

周敘一首

吳源一首

尹鳳岐二首

金誠一首

習嘉言一首

林真一首

黃閏一首

劉鉉一首

曾鶴齡二首

于謙五首

劉球一首

萬節一首

陳中一首

鄭述一首

唐寅一首

俞山一首

張楷二首

卷十二

薛瑄十六首

吳與弼二首

陳獻章 十五首

莊景 四首

卷十三

翟佑 十三首

鄧林 二首

平顯 十八首

郭文 二首

唐文鳳 三首

陳亢宗 二首

陳景融 一首

鮑仁濟 一首

李進 二首

錢遜 一首

張振 一首

錢暉 二首

余吉祥 一首

袁鑑 一首

吳鎮 二首

羅紘 一首

卷十四

劉績 十一首

偶桓 六首

郭庶 二首

施敬 四首

鄭嘉 一首

毛鉉 一首

蔡庸 一首

李勛 一首

張璩 一首

朱純 一首

鄧定 三首

高璧 一首

高廩 一首

韓永 一首

陳顯 二首

張慥 一首

許穆 二首

岑琬 一首

馬景約 一首

張官 一首

張羽 一首

卷十五

劉廌 三首

郭武 一首

郭登 五首

沐昂 一首

沐璘 二首

王清 一首

卷十六

馬愉 一首

蕭鉉 三首

吳惠 四首

徐珙 一首

林文 四首

李棠 四首

薩琦 一首

方熙 一首

毛宗魯 一首

范理 一首

鍾順 二首

徐有貞 四首

李賢一首

周旋一首

劉定之三首

程思溫一首

王偉一首

林璧一首

李暉一首

戴珽一首

卷十七

施槃一首

倪謙十四首

張諫一首

楊璿一首

成始終一首

張和三首

祝顥一首

劉儼一首

呂原一首

黃諫二首

韓雍二首

卞榮一首



沈彬一首

盧祥一首

陳汝言一首

金溥一首

商輅一首

周洪謨一首

葉盛十二首

劉昌一首

卷十八

王佐一首

彭時二首

岳正二首

黃紱一首

夏寅二首

劉珥一首

鄭文康二首

王常一首

尹旻一首

張城一首

柯潛六首

王俱一首

童軒 十八首

楊守陳 一首

王越 三首

王佐 二首

吳宣 二首

汝訥 二首

卷十九

徐溥 二首

邱濬 五首

張甯 十三首

周瑛 三首

易貴 一首

何喬新 五首

李裕 五首

段堅 一首

謝省 一首

康麟 二首

彭華 一首

陳政 一首

杜庠 一首

彭澤 七首

黃瑜 一首

卷二十

劉溥 四首

景泰十才子

湯肩續 三首

蘇平 三首

蘇正 一首

沈愚 四首

晏鐸 二首

王淮 一首

鄒亮 一首

蔣主忠 一首

王貞慶 一首

卷二十一

魏時敏 十七首

趙不易 一首

湯琮 一首

陶甯 一首

邱吉 三首

賀麟 一首

姚綸 一首

陳昌 一首

蘇大 一首

陸琦 一首

李幾 二首

懷悅 一首

朱翰 一首

周瑾 一首

倪光 一首

章珍 二首

黎擴 一首

張淵 二首

蔡昇 二首

范麟 一首

卷二十二

聶大年 十六首

王逵 一首

劉泰 五首

馬洪 一首

劉英 二首

劉師邵 六首

錢洪 一首

趙宗文 二首

陳贇 四首

楊軾 一首

汪敬 一首

沈宣 一首

應律 一首

羅宜 一首

潘寶 一首

黎近 二首

徐琦 一首

徐璉 一首

明詩紀事

貴陽陳 田輯

乙籤

田按紀建文朝事者鄭曉吾學編何喬遠名山藏吳  
士奇副書陳繼儒史待尹守衡史竊朱國楨史概黃  
佐革除遺事高璧幽光錄袁祥建文私紀孫交國史  
補遺張芹備遺錄何孟春續備遺錄馮汝弼補遺  
錄陳洪謨革除編年許相卿革朝志陸時中建文逸  
史王會野史劉琳補錄屠叔方朝野集宋端儀  
革除錄林塾革除史補錄郁袞革除遺忠錄杜思革朝  
遺忠錄鄒應旗革除史補錄忠列傳張朝端忠錄伊表忠  
徐卽登建文諸臣錄焦竑茲遜國忠節錄汪宗伊表忠  
錄趙士喆建文年譜趙啟元遜國續鈔錢士升表忠  
紀陳仁錫壬午書朱鷺建文書法擬劉廷燦遜國之  
際月表曹參芳遜國正氣紀周鑑遜國忠紀周遠令  
讓皇帝本紀高世豐盡心錄余美英遜國陽秋皆載  
於地道出亡之說惟姜清秘史朱睦㮮革除逸史不  
爲所蔽諸家所紀惠帝出亡及諸臣行遜詩附見於  
此以志存疑之義焉惠帝遜國後詩云牢落西南四

十秋蕭蕭華髮已盈頭乾坤有恨家何在江漢無情  
水自流長樂宮中雲氣散朝元閣上雨聲愁新蒲細  
柳年年綠野老吞聲哭未休又金竺長官司羅永巷  
題壁二詩云風塵一夕忽南侵天命潛移四海心鳳  
返丹山紅日遠龍歸滄海碧雲深紫微有象星還拱  
玉漏無聲水自沉遙想禁城今夜月六宮猶望翠華  
臨閱罷榜嚴碧懶敲笑看黃屋寄蜚標南來瘴嶺干  
眉迴北望天門萬里遙款段有翠鳥早晚朝馮翁詩  
袞龍袍百官此日知何處惟有羣鳥早晚朝馮翁詩  
云夜夢何奇特龍飛天漢津朝橫滄海山夕過滇池  
濱光燿昔五色蛇蜒無損鱗淵田變化間張主藉高  
旻縣竹山人詩云山河形勝今猶在宮闕趨踰事已  
非冀野風生雙虎關咸陽火起一龍飛傷心何忍聞  
黃詔稽首無緣見袞衣擊石獨懷千古恨仰天血淚  
不勝揮萬州老僧問家何心嬰組綬青血謫袞裳寒  
主無尋處孤臣敢問家何心嬰組綬青血謫袞裳寒  
食魂應寂悲歌愧五蛇至袁敬所題溫明玉御園詩  
見之貢玩齋集攸齋列朝詩什琨詩歟均失考余刊  
其誤附著於此

孝孺字希直一字希古臨海人洪武中以薦授漢中  
教授建文中召爲文學博士靖難師入召草詔不屈

死有遜志齋集二十四卷

四庫總目孝孺學術純正而文章乃縱橫豪放頗出入  
於東坡龍川之間蓋其志在於駕軼漢唐銳復三代  
故其毅然自命之氣發揚蹈厲時露於筆墨之間燕  
王篡立之初齊黃諸人爲所切齒卽委蛇以求活亦勢  
不能稍有若孝孺則深欲藉其聲名俾草詔以欺天下  
使稍稍遷就未必不接迹三楊而致命成仁遂湛十  
族而不悔語其氣節可謂貫金石動天地矣文以人  
重則斯集固懸諸日月不可磨滅之書也  
吾學編皇太子卽位廷臣交薦孝孺侍講筵備顧問  
孝孺德望素隆一時倚重上好讀書每有疑卽召使  
講解臨朝奏事臣僚面議可否必命孝孺就展前批  
答孝孺嘗作書事詩曰斧展臨軒几硯間春風和氣  
滿龍顏細聽天語揮毫久擲得香煙兩袖還又曰風  
輒形庭尙薄寒御爐香遶玉欄杆黃門忽報文淵閣  
天子看書召講官  
南濠詩話方正學先生集傳之天下人人知愛誦之



但其中多雜以他人之詩如勉學二十四首乃陳子  
平作漁樵一首乃楊孟載作又有牧牛圖一絕亦元

人詩

夢蕉詩話方孝孺過嚴子陵釣臺長短句云正人先

正己治國先齊家如何廢郭后寵此陰麗華糟糠之

妻尙如此貧賤之交安足擬羊裘老子早見幾獨向

桐江釣煙水直於子陵心上說出宋詩不及於唐固

也或者矮觀聲吠併謂不及於元是可笑歟正學論

詩云前宋文章配兩周盛時詩律亦無備今人未識

崑崙派卻笑黃河是濁流天厯諸公制作新力排舊

習祖唐人粗豪未脫風沙氣難祗熙豐作後塵則過

田按希直文章淵源出於宋景濂而學術純正則過

之姚江明儒案云景濂氏出入於二氏希直以明

道者莫過於二氏而釋氏尤甚不憚放言驅斥有明

之學祖也誠爲確論太祖誅戮功臣至末年文武名

臣幾盡使得一三舊勳如宋國公頴國公者靖難括

師孰勝孰負未可知也希直送誠意伯孫士端歸括

蒼詩云海內只今無盜賊幽州興兵憫邦國廟堂謀

議豈無人我懷中丞淚沾臆嗚呼志士古所稀留侯

武鄉今是誰九原招公儘可作爲解四海蒼生危盡

亦有慨於是誦漢祖

猛士之歌同茲三歎

閒居感懷 二首

乘時功易立處下事少成君看蕭曹才豈若魯兩生賢豪志  
大業舉措流俗驚循循刀筆間固足爲公卿  
習俗日頽壞疇能塞其源自從井牧廢開此爭敎門救弊豈  
無術得君方難言田間一卮酒踞酌蒼梧魂

次王仲楮感懷韻

隆中有一士卓然古天民長嘯六合間草昧思經綸寸心如  
白日可破萬古昏所遇雖不諧餘輝尙暎暎使逢高光主禮  
樂甯沈湮惜其遺書亡大志人罕聞如何徇利子於道不知  
真卑卑章句中微祿求潤身可貴不在位可賤不在貧無取  
一時好當作千載人

郭西精舍士友同宿

淹懷終歲思幸際清宵會情深新喜集語愜孤愁  
退離居積頑鄙處下多尤悔倦翩翩謝騫騰羈蹤  
損貞介含悲靜自慨抱獨招羣怪非子不我遺斯  
心復誰賴天寒四野寂雲歛疏星大霜葉響枯條  
小灘咽鳴潮振衣遲立覽妙趣超埃壒靜泝一氣  
先虛涵萬象外林泉皆道情縻組本天械擺落已  
遺榮過從敢辭億祛疑冀閑論立懦賸明誠頽風  
儻可還勗德期無懈

東河驛值雪次茅長史白戰體韻

東河氣高地常冷越客入山愁日暝蹇驢破帽闌驛門  
做屋疏籬耿燈影更闌藉草始一寐夜半雪來初未省  
窗明恍訝

烏繞樹身倦宛同蛙伏井雞鳴起看眼生花睡熟山童呼不  
醒積深已覺擁藍關勢遠直疑沾庾嶺穿檐入隙如有求塞  
戶填階豈須請瓦溝早滴爲炊煙水面難消因泛梗樂事偏  
宜壯士獵清氣先入詩家茗平鋪道路混險夷蓋覆乾坤掩  
瑕眚空山難行無客到高卧閉門終日靜春來一月尙嚴凝  
天上何人調九鼎半生對雪走四方奇絕愛此林壑景長松  
壓重龍虎怒巨石羅陳■整北風末勢更飄揚斜照餘輝  
愈光爛南望殊憐京闕遙西顧頗覺歸途永未須翫物遽憂  
患有形易化皆幻境明朝陰翳盡掃除天際諸峯翠相並乘  
興伸頭且一笑人生饑寒非不幸莫將詩句效蘇公淮陰詎  
肯儕噲等

懿文皇太子挽詩

相宅圖方獻還宮疾遽侵鼎龜懸寶命笙鶴動哀音誰紹三  
皇治徒傾四海心關中諸父老猶望翠華臨

今言國朝定鼎金陵本興立之地然江南形勢終不  
能控制西北故高皇時已有都汴都關中之意觀洪  
武元年詔曰江左開基立四海永清之本中原圖治  
廣一視同仁之心其以金陵大梁爲南北京方希古  
懿文太子輓詩曰相宅圖方獻還宮疾遽侵關中諸  
父老猶望翠華臨蓋有都關中之議以東宮薨而止  
也  
國史唯疑高皇祭光祿寺遣神文朕經營天下事事  
按古有緒惟宮城前昂中窪形勢不稱本欲遷都年  
老精力倦又天下初定不欲勞民廢興有數只得聽  
天惟願鑒朕此心福其子孫云可見開基都金陵非  
滿志事初欲都臨濠以劉基言止再欲都秦以懿文  
太子薨止而高皇亦已老矣文皇北遷蓋神靈若陰  
啟之

過北山翁

避世慚無術忘年賴有翁  
山中九日後花下一尊同  
江迴宜秋色林疏怯晚風  
放懷甘取醉舍此更誰從

閒居

雨歇階草淨鳥鳴叢竹中  
偶無輪鞅過遂與山林同  
晞髮庭際日振衣松下風  
自非捐世故誰得此相從

遣病

飲酒留盃底攤書礙枕旁  
人扶修冠櫛客勸罷文章  
穀雨催田父花時到海棠  
病夫渾不較流轉話春光

彭山道中

煙鳥歸林已夕陽野人相引度高岡  
馬頭一片青山影經過  
絺衣似水涼

竹

不禁俗物敗人意忽見幽篁眼爲明記得舊遊天上夢連昌  
宮外聽秋聲

練子甯 三首

子甯名安以字行新淦人通判高子洪武乙丑第二  
人及第授修撰荐擢副都御史工部侍郎建文初改  
吏部遷御史大夫靖難師入不屈死有金川玉屑集

六卷

吾學編子甯初從鄉長者竹庄先生遊命賦水竹村  
居詩曰千山暮雨石泉通一夜春雷擢龍長  
田按子甯始居淦之東山後遷三洲嘉靖間析淦六  
鄉爲峽江縣三洲遂屬峽江兩地人爭祀練公至相  
詬厲節義之足維繫人心如此太祖果於殺戮臣工  
有小故輒不免子甯廷對有云以小善而遽進之以

小過而遽戮之天下之才生之爲難成之爲尤難豈忍以區區小故而卽付於刀鋸斧鉞之地哉其志節之壯不待見於殉難之日矣

### 讀書臺

閒抱瑤琴訪百華上人還與論三車能分香積廚中飯慣煮孤山雨後茶洗墨池荒秋草合讀書臺古夕陽斜壁間正好題詩句留取他年護碧紗

### 送人之官

雨霽清流玉滿川錦衣簇簇立沙邊旋沽南石橋頭酒聊送東風江上船行色一枝春在柳去程千里水連天待看考績歸來日細聽鶯聲奏管絃

### 送花狀元詔許歸娶



三月都門鶯亂曉郎君春色上朝衣  
潘生況擬供調膳張敞  
仍須學畫眉南陌酒香銀甕熟  
西湖月朗畫船歸極知身負  
君恩重莫遣心隨粉黛移

因樹屋書影少年及第奉旨歸娶詩明初練子甯送  
花狀元詩又解縉送劉探花素吉云少年歸娶奏金  
鑾喜得天顏一笑看紅錦裁雲朝真雁紫簫吹月夜  
乘鸞靈椿枝下承中饋寶鏡臺前結合歡從此梅花  
消息好青綾不似玉堂寒金陵白正蒙送周狀元延  
儒云才子承恩入建章風流千載一周公郎人間玉杵  
惜仙配天上金蓮簇艸絳蠟影搖宮錦色繡幃春  
擁御爐香卽今已在蓬瀛境不用吹簫下鳳凰近華  
亭陳繼儒送吳榜眼偉業云年少朱衣馬上郎春闈  
第一姓名香泥金帖貯黃金屋種玉人歸白玉堂北  
面謝恩才合垂東方待曉漸催粧詞臣何以酬明主  
願進閣雕窻章明朝二百六十餘年少年及第歸  
娶者不數人練詩用洪武正韻當年十九時遵太祖  
嚴耳又宏治乙丑榜眼趙玘年十九時遵太祖功令  
倫以訓年十七皆子假歸娶當時必有贈詩惜不傳  
楊慎升菴詞品杭州花綸年十八黃觀榜及第三人

初讀卷官進卷以花綸第一練子第二南第黃觀第  
 御筆改定以黃第一練第二花第三南第黃觀第  
 黃黃練花之語故後人猶以花狀元稱之其科題名  
 記及登科錄皆以黃練二公死革除之難刻毀故相  
 傳多誤花有詞藻其謫戍雲南有題楊太真畫圖水  
 仙子一闋云海棠風梧桐月荔枝塵覓宴舞翠盤嬌  
 纖嶺春錦襦媚金釵信香囊恨癡三郎泥太真馬鬼  
 坡血汚遊魂楊柳眉侵顰黛損芙蓉面零脂落粉牡  
 丹芽翦草除根其風致不減元人小山酸齏輩滇人  
 傳唱多訛其字余為訂之云  
 田按黃簿簡籍遺聞謂練中丞集中可疑者三事一  
 曰送花狀元歸娶詩花綸乃洪武十七年浙江鄉試  
 第一人不應有奉詔歸娶事博知綸非狀元而不知  
 綸為乙丑第三及第余檢雙槐歲時狀元詞品弁  
 山堂別集皆云花綸洪武乙丑及第又嘉靖仁和县  
 志云花綸字正言登洪武十七年鄉薦明年成進士  
 第三授編修性孤潔杜門絕迹往來其於權勢之交  
 更疏冷有私媚者常惡之竟遭誣害雙槐歲時狀元  
 綸改福建道監察御史出按江西得罪榜不令終與升  
 菴謫戍雲南語署同升菴謂綸為黃觀榜第三人亦升  
 誤又解縉送劉探花詩乃宋濂送編修張仲藻者附  
 見張宣青陽集後書影亦誤

黃子澄一首

子澄名提以字行更字伯淵洪武乙丑進士授編修  
進修撰伴讀東宮累遷太常寺卿建文初兼翰林院  
學士與齊泰同參國政燕兵起以誅齊黃爲名謫外  
謀起兵被執不屈死

黃佐革除遺事子澄少從居人歐陽貞受易周與學  
受尙書清江梁寅受春秋博學負俊聲嘗賦寒江把  
釣圖及古梅詩人爭傳誦  
田按子澄薦李景隆爲將景隆敗走請誅以厲將士  
帝不聽未幾江淮諸將相繼潰敗子澄拊膺痛哭曰  
誤薦景隆萬死不足贖也賦詩云尙方有劍憑誰借  
哭向蒼天幾陷冠余謂子澄首事發難類鬼家令  
賴其後死事甚烈朱平涵云太常文章混滅單詞片  
語流落人間氣傲光華固不必多余檢曾黃谷江西  
詩徵錄詩甚夥賞芍藥一篇尤清婉動人

賞芍藥

清門公子惜芳春。開筵上日延嘉賓。當階芍藥綻紅白。冰姿  
艷質俱天真。昭君已入丹青手。阿郎未醉黃封酒。丹幃籠霞  
麗日長。玉盤承露新粧久。廣陵異種古來誇。獨有金帶稱奇  
葩。廟廊大材今復見。玉堂學士歐陽家。尙憶西園全盛日。碧  
海蓬瀛繞丹室。江梅一夜劫灰飛。奇花異卉誰能識。後來繼  
述有雲祢。況君伯仲兼才名。千金不惜買歌笑。栽花種竹長  
留情。厭聽鶉聲春漸老。把酒看花花正好。祇恐春光不肯留。  
人生行樂應須早。酒酣公子還高歌。相逢不飲將如何。何妨  
共醉金叵羅。一笑塵世空奔波。

黃觀一首

觀字淵伯一字尙賓。貴池人。初從父贅。姓許。洪武辛

未第一人及第累官禮部右侍郎建文初改右侍中  
掌尙寶司事奉詔募兵聞金川門師入投羅刹磯死  
田按侍中出募兵投羅刹磯死夫人及三女投淮清  
橋下死忠孝貞烈萃於一門侍中詩不多見或云侍  
中有集藏泰州儲瑾尙書家見革除造事

題江貫道長江圖

離離眾樹深  
靄靄孤雲碧  
山色望難窮  
江流浩無極  
漁歌遠  
渚昏鳥下平  
燕夕惆悵涉風波扁舟何處客

田按貫道長江圖號爲名蹟事已具別卷王常宗詩  
後文徵仲跋此圖後云南郭張許觀瀾伯不仕有文  
學之名同時別有許觀亦字瀾伯死於靖難時乃池  
州人與此許觀不同而皆有文學不知此詩誰作也  
余以唐人兩集並存之例存之

卓敬一首

墨菊

敬字維恭瑞安人洪武戊辰進士除給事中歷官戶部侍郎靖難師入被執不屈死有卓氏遺書五十卷郁衮革朝遺忠錄卓敬爲文章精粹峭拔磊磊落落似其爲人詩詞宏婉有一唱三歎之遺音露書卓侍郎敬詩白雲忽去山在戶紅日在晴人倚欄一聲兩聲花鳥好千樹萬樹松風寒皆出入意表

花開見墨痕

王叔英一首

叔英字元采黃巖人洪武二十年以薦爲仙居訓導改德安教授遷漢陽知縣建文元年召爲翰林修撰燕兵至淮奉召募兵行至廣德京城不守自經於立

妙觀有靜學集二卷

革朝遺忠錄文皇渡江叔英卧病僧寺知事不可爲  
沐浴具衣冠賦絕命詞曰人生穹壤間忠孝貴兩全  
嗟予事君父自省多過愆有志未及竟奇疾忽見纏  
肥甘空在案對之不下咽意者造化神有命歸九泉  
嘗聞夷與齊餓死首陽顛周粟豈不佳所見良獨偏  
高蹤遠難繼偶爾無足傳千秋史臣筆慎無稱希賢  
遂自經死

孤桐生崇岡一首贈友人

孤桐生崇岡託根亦已高嚴冬風雪繁枝葉成蕭條根本具  
生意勿爲樵牧侵韶英如可作遲爾爲瑟琴

周是修五首

是修名德以字行泰和人洪武末舉明經爲霍邱訓  
導擢周府奉祀正遷紀善改衡府靖難兵入走應天

府學自經死有芻蕘集六卷

四庫總目芻蕘集風骨稜稜溢於楮墨望而知為忠臣  
義士之文  
田按建文二年勅儒臣取古今君道臣道人事之載  
於典籍可為鑑戒者纂為類要總裁則方孝孺唐愚  
士樓璉胡靖分修則陳好義徐好古葉仲汜鄭孟宣  
章謹蘇伯厚李鐸王汝玉張拱高可大王真劉仲美  
李敏方叔衡朱子建史維時陸伯瞻趙友同周思顏  
子明蕭用道楊士奇先生與焉纂則王良楊溥極  
一時之選黃才伯翰林記稱洪武戊寅詔編輯經史  
百家之言為類要侍讀唐思士等纂修未成即指此  
事其曰洪武戊寅蓋遵革除令諱之也先生詩逸情  
古調寄託遙深先生嗣孫希韓為余妹婿嘗假芻蕘  
集於其家錄之

題叢蘭

石嶼嶸兮水沄沄蘭蕤蕤兮揚清芬思攀芳以紉佩贈天涯  
之夫君望夫君兮不見結三湘之暮雲



卷一  
靜夜思

天地同逆旅春秋比流波昨昔樂苦少今茲憂復多  
離人而離居其如良夜何良夜殊未央悵言臨中堂  
叢蘭泣零露初月揚清光我有枯桐琴爰以托遠心  
哀絃徒激烈愁絕無知音太行豈不高黃河豈不深  
夢魂終不隔萬里還相尋

感懷

芳桃笑春風穠李耀晴日偶蒙化工榮光彩不可敵  
盛時能幾許零落各相失詎知寒松心凌霜如鐵石

黃衣岩

崇峯出百里岩壁亦何峭神功摩元氣中有太古竅  
青雲從下起白日當前照仙鶴不重來年年野花笑

寄贈巫陽隱者歌

金樽美酒清且香，欲飲不飲愁心長。  
寒雲四塞南雁翔，尺書不到巫山陽。  
巫山十二峯巒出，落日平荒楚天碧。  
嵐煙澗水石橋晴，嘯鳥梅花野亭夕。  
野亭夕秋風多，亭西隱者今如何。  
欲知別後相思意，不盡東流江上波。

茅大方一首

大方名誦，以字行。泰興人。洪武中爲淮安府學教授。  
擢秦府長史。建文元年遷副都御史。燕師入，見收不  
屈死。有希董遺集五卷。

吾學編大芳典，教淮南考績入朝高。廟召對悅之，擢  
秦府長史。勉以董子輔相之業。大芳感激，額其堂曰  
希董。方孝孺爲記。建文君卽位，擢右副都御史。靖難  
兵起，遺詩淮南守將梅殷，幽燕消息近如何。聞道將

軍志不磨縱有火龍翻地軸莫教鐵騎過天河關中  
事業蕭丞相塞上功勲馬伏波老我不才無補報西  
風一度一悲歌建  
文四年八月死之

### 次平涼

平涼疆域控西戎三月猶寒氣未融山麥蟠根封積雪野桃  
含萼待東風書回塞下邊塵淨兵到原頭獵火紅更擬明朝  
乘鶴駕爲尋仙跡訪崆峒

### 胡閨一首

閨字松友鄱陽人洪武初舉秀才授都督府都事遷  
經歷建文初遷右補闕進大理寺少卿靖難師入召  
閨不屈死

橋李詩繫遜國諸臣疏屬一丁一地分成劇邊一遇  
絕丁軋行句補飛符所到冤結二百餘年屠公叔方

令鄱陽適有符句鄱人胡閏絕丁者屠憤然擲符於地曰公死忠何罪使吾有言責必碎首爭之矣掘御史卽具疏請諡請祠請修治塚墓卹錄子孫及交遊姻黨之株累編成者一體赦宥神宗威勳蒙宥者千六百餘人京師張敖榜時忽風發榜飛轉展天際觀者如市自午至未仍還故所鄱陽張榜亦然事見顧憲成英風紀異錄

### 題畫松

幽人無俗懷寫此蒼龍骨九天風雨來飛騰作神物

精忠就義類編元末胡先生閏授徒講學長沙王廟營奮筆畫松廟壁題曰蒼虬出壑復題幽人無俗懷一絕吳王下饒州見先生詩召見越八年卽皇帝位郡舉秀才一見卽曰此秀才是題詩鄱陽廟者授鄱督府都事

### 劉璟一首

璟字仲璟青田人誠意伯基次子授開門使改谷王

左長史靖難師入稱疾不起下獄自經死有易齋無

隱二集

四庫總目易齋詩氣勢蒼勁兀傲不羣有覆瓿之一體  
田按長史易齋集吾鄉楊龍友令青田曾刻之

狂夫雜興

平生適興多閒話付與時人作狼猜一酌曹溪知水味白雲  
無意若爲來

鄭居貞 二首

居貞名桓以字行歛人洪武中舉明經授鞏昌通判  
遷禮部郎中出爲河南左參政永樂初坐方黨死有  
閩南關隴歸來檜庭諸稿

屠叔方建文朝野彙編方孝孺之爲漢中教授也居  
貞以詩送之翩翩紫鳳雛羽翮備五彩徘徊于仞翔

餘音散江海於焉覽德輝濟濟銅環佩天門何處裁  
羣仙久相待晨沐晞朝陽夜息飲沆瀣如何復西飛  
去去秦關外岐山諒匪遙咏食良自愛終當集阿閣  
庶以鳴昭代孝孺亦昭之詩謂其為參政三年而去  
吏民以不能留為憾事在洪武二十三年然其坐累

歲月不可考以方黨故也

田按居貞與林公輔皆侯城畏女侯城威舊詩云雄

文不見林公輔病眼荒荒何處開居貞作翻翻紫鳳

雛贈侯城以自愛為勉而朱竹垞云林公輔鄭居貞

殆侯城弟子而兼朋友者蓋不知侯城弟子別有林

鄭非居貞與公輔也蜀獻王選胡志高赴漢中兼東

希直云勗哉今胡子願無愧鄭林末注云鄭公智林

良顯明史亦稱侯城門下士以身殉者有甯海鄭公

智林嘉猷公智字叔貞竹垞詩話所引送居貞入成

都詩乃送叔貞非送居貞迺志齋集具在可覆檢也

嘉猷名昇以字行後改名良顯侯城感舊詩第五首

云林鄭為文學我家彼瀾議論無涯第一首既云

雄文不見林公輔此復及之不犯複乎又送鄭叔貞

之成都云兩生萬里來講道慰寂寞探奇忘舊悲妙

觀有新樂爾知事多忤重使喚離索林也前歲歸重

來忘髮約鄭子今復去南行踰嶽嶠林當指嘉猷語

嘉猷曾以儒士校文四川也又云金門盛才彥德星

嘉猷曾以儒士校文四川也又云金門盛才彥德星

鵲井絡翩翩白鳳羣豈復少一鶴竹垞云居貞有翩翩紫鳳雛一篇贈侯城故答及之蓋由誤以叔貞爲居貞因指嘉猷爲公輔鳳雛鳳羣聯附會要非常日情事也

次韻方希直

闕下知名久相逢值暮春才華曾動主議論每過人漢水元通蜀台山亦近閩何時江海上樽酒話西秦

田按居貞嘗侍父官閩中子孫因留居福州瓜山此詩台山亦近閩蓋指其流寓地也

泗州

行盡淮東始見山孤城雉堞面層巒隋人罷幸餘荒苑漢將成功有廢壇落日波濤來洶湧高秋鼓角動悲酸此來倦客偏懷古對酒狂歌強自歡

方法一首

法字伯通桐城人洪武己卯舉人授四川都事斷事  
永樂初蜀藩賀表抗不署名逮至望江投江死

田按伯通侯城弟子所作絕命辭云千載波濤裏無  
憾正學師可謂沉澹一氣矣

### 渡河

野曠天陰日欲西北風吹雪雁行低交河路斷行人少一片  
寒沙沒馬蹄

### 胡子昭

一首

子昭初名志高字仲常榮縣人以薦爲訓導建文初  
授翰林檢討累遷至刑部侍郎永樂初坐方黨死

汪宗伊表忠錄子昭臨刑詩曰兩間正氣歸泉壤一  
點丹心在帝鄉時年四十一

### 山行



蠟屐尋芳徑攜筇上翠微路危行客怯山僻到人稀古廟塵  
埋址荒神蘇作衣山雞元不慣驚起舍前飛

貴陽陳田輯

乙籤

程本立十五首

本立字原道崇德人洪武初舉明經秀才除秦府引  
禮舍人以母憂去官服除補周府禮官進長史從王  
入覲坐累謫雲南馬龍他郎長官司吏目建文元年  
徵入翰林遷右僉都御史坐事貶官仍留纂修旋授  
江西按察副使未行燕兵入自經死有異隲集四卷  
四庫總目本立文章典雅詩亦深穩樸健頗近唐音不  
但節義爲足重卽以詞采而論位置於明初作者之  
間亦無愧色  
靜志居詩話建文諸臣文莫過方希直詩莫過程原

乙酉卷二

道希直之文取法昌黎下亦不失為蘇子瞻原道之  
詩刻意杜陵下亦不失為陳簡齋也  
田按明初構李詩人首推清江次及吳隱異隱詩格  
渾氣道七律尤隊仗整齊固當與麟胸大節並留天  
地

尋劉集賢隱居

方瞻紫錦屏倏覽青玉案茲山亘百里我行山未半餘雪雲  
俱白新泉冰始泮春姿動晴壑好鳥自相喚探幽會披榛紀  
勝欲濡翰西投集賢里息鞅日已旰衣冠拜過老使我發深  
嘆垂世實立言有竹青可汗

賦得桃花崦送李學正之易州

野性好林壑胡爲來市廛豈無桃花崦著我屋數椽深深崦  
中花萬樹春霞鮮居民非避秦鼓腹戴堯天花間長兒孫看

花不計年我欲往求之路隔松蘿煙悵望小姑峯玉立青娟  
娟相逢李博士頗似長庚仙江東事幽討已有青鞵緣得官  
不厭冷幅然向幽燕振衣山上風洗耳石間泉期君早歸來  
和我桃花篇

題劉士平竹所卷

鳳凰溪頭十畝園我昔種竹竹已蕃  
掃除雜亂扶正直不使惡類相牽援  
春雷動地兒孫長森然玉立參天上  
立冬何嫌霜霰重赤日自恐風飄爽  
一從宦轍梁宋遊煇埃迷目揮汗  
流瑠琉八尺誰卷送琅玕一个不可求  
腐儒本非食肉相十年歸夢隨吳榜  
餘生未了苜蓿盤此身須付桃枝杖  
永嘉劉郎思故山有廬亦在萬竹間  
覓我狂歌託幽抱歌成轉覺俱

愁顏長竿把得谿頭釣短簫吹作江南調此時燒筍飯劉郎  
噴案不妨同一笑

題天竺曇敷上人法華山房卷

曇師法華室只在鑑湖邊白日開三竺青光出五蓮海龍曾  
聽呪庭鳥亦知禪一月雲林宿吾生信有緣

送安處善稅使之官青州

置酒直傾囊底錢都門醉別意茫然人生白髮屢幾兩子去  
青州路一千鴉背夕陽江雨外馬頭秋色岱雲邊大梁東接  
齊封近書信頻煩使者傳

登嵩縣留別守禦千戶呂庠教諭

嵩州官舍留三日日日亂山雲吐吞聞雞夜看北斗柄借馬

曉出東城門廣文無羶坐賓客將軍有書傳子孫我懷先世  
此鄉里願聚族人居陸渾

過璧社湖

平湖一目到天涯明月滿空飛浪花半夜珠胎移老蚌有時  
金背出妖墓漁人屋近燈纔見使者舟行鼓亂櫓便似吳淞  
江上路只無紅漿唱雙娃

昆明池

昆明海水不成潮一鏡涵空山影搖明月碧雞飛夜夜白雲  
蒼狗變朝朝登臨未必南荒惡瞻戀其如北極遙汀草汀花  
自春色無人同放木蘭橈

留洱西驛因過三塔寺

眼中城郭與山川坐我江南看畫船  
雲氣半峰飛白雪水光一鏡落青天  
野牆櫻樹人家住官路梅花驛使傳  
最是禪房聽梵唄此心能洗百憂煎

登通海湧金山

西湖上馬湧金門三竺歸來日色昏  
今古羣生幾塵劫華夷萬里一乾坤  
煙蘿花木山中寺水竹茅茨海上村  
兩地登臨渾似夢賦詩聊與夔僧論

過新興州

惹草空牆晚芙蓉野水秋馬頭山色好  
路入大棋州

宿昆陽

飲酒美人家出門山日斜門前一株樹  
說是蜜檀花

題梨花園

別愁歸恨是清明  
眼迷風沙白髮生  
縱有花枝如畫裏  
看花不似少年情

滇陽病起

書籤藥裏客窗間  
一日吟成病裏閒  
日日相看好顏色  
人情誰得似青山

題山水小畫

太湖三萬六千頃  
七十二峯湖上山  
草閣酒醒風雨過  
棹歌聲在水雲間

陳繼之一首

繼之號雪庵莆田人建文庚辰進士授戶科給事中



靖難師入不屈死

蘭陔詩話長陵殺戮革除諸臣備極慘毒雪庵之死碎骨揚灰嗚呼酷矣林懋揚云雪庵真蹟詩一幅流落金陵市中徑寸草書筆法高古酷似王令間出急就其詩意度間適格調雅正真巨匠之矩矱也

懷山中

憶昔探靈奇所性喜遊眺時登近湖山遠矚論海嶠石泉瀉雲竇松風發天竅白鳥空際迴玄猿靜中嘯漁樵偶相逢因之共談笑竭來謁金門尙懷山水妙寄謝滄浪人拂衣可同調

程通一首

通字彥亨績溪人洪武庚午舉人授遼府紀善進左長史靖難後以事械至京死於市有貞白齋稿

姚鼐惜抱軒集明高皇帝以封建策問諸生而橫溪  
程長史通試爲第一其言置子當置之艱阻備嘗之  
中不當置之膏肥美麗之地此其言最有當於高皇  
心者卒又言垂流之久或有意料之所不及此乃足  
括後事之變真可謂通人名論

### 題綠照亭和韻

綠照亭前景物都向人何用說西湖雨餘春樹翠如染雲淨  
曉山青可圖近水有窗先得月凭欄無客不提壺莫辭爛醉  
扶歸去王道於今是坦途

### 櫻塢一首

趙字士連義烏人洪武中以儒士授主簿遷藍田知  
縣入爲監察御史以事謫雲南建文初起爲翰林侍  
讀燕師入方孝孺不草詔改命塢一夕自經死

田按侍讀以權死義卒完其宗官御史時謫雲南沐  
景昭錄其詩入滄海遺珠

送鏡中上人兼柬斗南和尙

舊住扶桑第幾山偶然蹤迹落人間蘿衣拂露辭秋壑藤杖  
扶霜度曉關滇海飛來孤月小點蒼留得半雲閒殷勤爲報  
圓通客鶴背清風好共還

楊任一首

任字子重嘉興人洪武中以人才舉累官至袁州知  
府致仕永樂初坐匿黃子澄於家械至京死

爲禮部黃待中觀題翠微書舍

射策列朝署舊隱情未釋輸忠在經綸同夢托泉石人生慎  
終始於道明損益並子功業成還理謝公屐

葉惠仲 一首

惠仲名見恭以字行臨海人見泰弟洪武中授廣武衛知事遷知縣建文初擢南昌知府永樂元年坐直

書靖難事死

革朝遺忠錄惠仲兄刑部主事見泰雅爲方孝孺所知有文名惠仲亦不愧其兄時稱二葉各有集以傳

暮嶺

小徑躋危石發荒行行轉覺暮途長魚燈射水明如燐山窮  
歸來暗自香月黑遠天星彩白崖傾飛瀑雨聲涼還家細向  
燈前說可怪浮生有底忙

石允常 三首

允常字恒德甯海人洪武甲戌進士官河南僉事坐

事謫常州同知建文末帥兵防江軍潰棄官去永樂

初追錄廢周藩事戍邊有遇安集

許相卿革朝志允常官河南僉事廉介有聲人稱石  
清潭以誣左遷常州同知北師起棄官歸文皇登極  
追錄建文間廢毀周府官僚事逮至者五十餘人允  
常與焉取悉洵懼服罪人贖米五十石命於原官加  
一秩仍用之允常銀鍊百端堅不服繫獄二年免死  
謫戍中屯衛年七十代還過西畿感愴病卒舟中  
三台詩錄僉事詩筆韶秀好句迭出官行人時席上  
爲蜀王題八陣圖盛傳於時

### 題春晴圖

何郎乃是金閨彥客裏東風偶相見座懸一幅滄洲圖細雨  
落花春滿縣玉壺傾酒白日閒門外鶯曉宮柳間酒酣鳴罷  
綠琴去望中幾點江南山

### 春山圖

輕帆隱隱歸煙渚白鳥離離映孤嶼脫巾無語獨凭欄草閣  
寒生杏花雨朱絃在琴酒在壺此身已入春山圖欲求賞音  
不可得天下好山何處無

留別湖廣錢參政

昔年分手金陵路昨日聯鑣夏口城吳楚江山相憶夢湘潭  
雲水別離情停杯話舊驚三載燒燭無眠欲二更明發扁舟  
向巴蜀棹歌聲裏鷓鴣聲

高遜志 十三首

遜志字士敏蕭縣人徙居嘉興洪武初預修元史授  
翰林院編修改秦府紀善引退十五年召爲試吏部  
侍郎旋罷官建文初徵入翰林遷太常少卿靖難後

死永嘉山中有舊菴遺稿

高啟鳬藻集宗人士敏辛丑集有春容溫厚之辭無  
 枯槁險薄之態豈山林館閣者乎  
 徐一夔始豐棄士敏奇偉卓絕挺然立於作者之林  
 田按徐大章始豐稿云士敏入史館擢編修轉察府  
 紀善未幾引退今召起試吏部侍郎以事去官謫居  
 陶山諸家紀載均云授編修累遷侍郎以事去官謫居  
 也又俞貞木次高太常韻詩序云太常高先生與僕  
 別餘三十年喜聞還朝入翰林升太常計士敏授編  
 修改官後再入翰林遷太常餘三十年正建文元年  
 時也靖難後或云卒於官或云兵敗自經或云存歿  
 無考朱竹垞據蔣之翹家譜云死於永嘉山中士敏  
 父德所至與宗工鉅儒遊如虞文靖公集歐陽文公  
 立余文忠公關貢公師泰程公文靖公伯琦張公蕭  
 危公素張公以甯士敏皆得親承其緒論文章故學  
 有淵源華年篤志以善屬文稱用薦為鄧山書院山  
 長徐大章高季迪交口稱之一與史局再入翰林及  
 主文會試所拔識王艮胡靖吳濤楊榮金幼孜楊溥  
 胡濙等皆為名臣身遭革朝邂逅空山以死論者哀  
 其志

云

寄陳彥博奉常

雨收山氣佳日入川光暝岸幘倚孤松飄蕭發清興花藥紛  
滿畦桑麻鬱成徑西林宿鳥歸前溪魚榜定曠望絕人蹤坐  
愛郊原靜撫景念徂春思君一觴詠

以少陵文章憎命達句爲韻賦五章

違世甘獲落撫已切憂勤旣通金閨籍方思策奇勦何爲竟  
鍛翻復與沮溺羣念往每懲咎縱學求多聞朝飲西澗水暮  
宿東山雲境靜思疲薺心清遺垢氛森然富藻思載道非空  
文尙賴特立操千載揚清芬

積雨滿污瀆蛭螾聊自藏商飈振修薄篴簫依崇岡動植各  
生遂伊人獨何傷謫居窮田野與世殊相忘緬懷昔憂患髮



短心日長所願免飢渴孰敢謀稻粱戶庭罕遊跡琅然誦文章歡來意自得遐想起黃唐從此遂閒逸投老終徜徉

鱣鯨擊洪濤一躍龍門登驚風落潮汐失勢投岡陵鬻鬻日已槁窮惘何由興翻爲獼獼笑敢望餘波騰畸人感物理冥思多所徵雲翔避矰弋淵潛避筇簪胡爲狗世務輒軻常競競勗哉保素履勿貽人所憎

荆璞不善藏輕售與時競雖無泣玉耻棄捐揜光瑩伊余昧先幾妄往成蹭蹬貪得達素心狗名忘積行通籍曾幾時三年絕朝請久睽徒侶歡轉失鄉黨敬剝喪非偶然且委時與命

功名期宦成文章止詞達千載求全能如何罕奇拔夙抱稽

古志纂言窮隲括幽闢天機深精思元化幹豈徒黃皇猷將  
以繼往轍于今不自足乃復耻被褐好爵難久縻世途多  
怛放意樂丘園長歌襟抱豁

龍江紀事寄良夫

避地龍江上離愁欲斷魂探囊炊脫粟沽酒問前村犬吠初  
開逕雞栖早閉門莫嗟時易晚漂泊任乾坤

城南小隱爲松江郭彥禮賦

步屨尋幽古岸隈柴扉正對郭南開林間野逕穿雲入溪上  
春潮帶雨來過客停杯歌白芷隣翁吹笛坐蒼苔羨渠高隱  
空相憶浪迹多年素髮催

題遂幽軒

閉迹銷聲與世疏  
巖居蕭散屬潛夫  
竹間展席移茶具  
花底清吟擊酒壺  
喜向山林便野服  
嬾因軒冕溷泥塗  
令人長憶鴟夷子  
欲趁高秋泛五湖

贈章安甫老人

藍輿迢遞出郊垌  
野服翩然鶴髮星  
柱史不辭周問禮  
伏生須爲漢傳經  
汀洲木落蒹葭老  
澤國霜寒橘柚青  
自笑隱淪緣底事  
時危蹤迹一浮萍

簡蒲菴長老

論交猶憶自前朝  
亂後誰憐意氣銷  
元亮歸來依惠遠  
少游久客過參寥  
山房黍熟供蔬甲  
石鼎茶香薦菊苗  
名勝想無今古異  
釋龕容我避塵囂

秀水飛帆

挂席曉煙收忽與天風遇誰唱秀州謠恐是南塘路

茗川夜宿

山繞荒城水自流霜空月色滿溪樓夜長欹枕渾無寐二十

五聲都是愁

蔣兢一首

兢字維敬自宜興徙嘉興建文初舉人才授文淵閣

侍書有友陶軒囊

靜志居詩話侍書高太常士敏弟子祭太常文云歲  
在壬午九月晦吾師士敏高先生卒師以國破家亡  
遁影東甌雁宕山中頽齡疾苦僕從竄逸隻影自矢  
爲西山餓夫天假之合小子兢亦以未死之身來偷  
息於此相對若夢寐淚潐潐下侍吾師僅五十日吾  
師竟長逝就暝之頃指畫恨字旣而曰復何恨復何

恨正吾師泣血椎心萬古耿耿之長恨也孰窮途無  
以成禮林有巨木遭伐其腹枵然乞諸樵叟歛而葬  
之芙蓉峯北嗚呼天降喪亂蕭牆禍起君國殄瘁臣  
所當死博浪無椎環柱失七遁迹空山潔身以俟邈  
崖水涘杖履莫迫涕泗曷已侍書之葬其師紀述建  
文諸臣者所未及知也子當面請學使者以程公本  
立姚公瑄楊公任高公遜志建四忠祠於嘉興而以  
侍書配食於高公之右不果行也  
橋李詩繫鼓博綜經籍嘗學於高士敏唐愚士遂工  
詩文建文卽位詔舉人才至京考授文淵閣侍書應  
奉御前筆札壬午授密旨從黃子澄走姑蘇至楊任  
所謀建義旗子澄遣覲往甯波會合知府王珣發兵  
固守錢塘隨逾海抵閩粵檄州郡大舉賦詩屬別云  
去涉江海貨速無後時身輕不遑顧廐頽務窮支  
十日泰庭哭一舉齊桓師持此報國心何事不可爲  
未及至而成祖正位子澄與任被誅玆因亡匿山澤  
稱東海逋臣遊楚蜀二十餘年乃歸衰麻絰帶終其  
身

零陵道中望九疑山

九峯吐翠隔湘川咫尺征途萬里天欲祈重華無限恨駒駟

啼處雨如煙

龔詡 三首

詡字大章崑山人父詹洪武中官給事中以身事遣  
戍五開衛詡遂隸軍籍調守金川門靖難師入變姓  
名遁歸卒門人私謚安節先生有野古集三卷

四庫總目詡詩格調在長慶集擊壤集間性情深摯直  
抒胸臆律以選聲配色彫琢句誠不能與文士爭  
工律以綱常名教之旨則不合於風人者多矣  
遜國臣記龔詡為金川門守卒建文末靖難兵首入  
金川門詡大哭後還鄉宣德中周巡撫仇兩薦為崑  
山太倉學官辭不就曰詡仕無害於義恐負往日城  
門一慟耳

梅花草堂集靖難軍逼金川門公大慟遁去夜走任  
陽寄馬陳二家二家故多藏書頗修朱家郭解之義  
匿公大園中公讀書其間多所撰述又時時乘夜渡

卷二  
事爲有慈母在故園之句讀者傷之

送郁老友歸芝塘

細雨弄晴三月天故人辭我歸芝川  
檣頭燕子語留客溪上柳花飛撲船  
小姬拍岸調新曲野老揮毫書大篇  
最是落紅如惜別隨風點點墮樽前

漫成

遠慕淵明自把鋤從渠時輩笑迂夫  
生憐花鳥如兒女酷愛溪山似畫圖  
不飲幸然無酒債好吟常自負詩通  
年來尙覺疏狂在折簡應知未易呼

趙松雪竹石

舊宋王孫元學士草堂心事玉堂身  
筆端寫出江南意落日

西風爲愴神

魏澤一首

澤字彥恩溧水人刑部尙書靖難後謫甯海典史

過侯城里有感

笥與衝雨過侯城撫景依然感慨生黃鳥向人空百轉青猿  
墮淚只三聲山中自可全高節天下難居是盛名卻憶令威  
千載後重歸華表不勝情

遜國臣記文皇滅方孝孺十族魏澤是時謫甯海典史當捕方氏悉力保護周旋以故方氏有遺育謝文肅公詩所謂孫支一葉者澤之力也後過孝孺故居爲詩悲悼之

唐愚士八首

愚士名之清以字行紹興山陰人應奉肅之子建文



初用薦爲翰林侍讀有萍居稿

遜志齋集愚士長身巨鼻博聞多誦練達世故爲文蔚瞻有俊氣長於詩而善筆札每一篇出人多傳道之曹國李公好士待以賓友禮征行四方皆與俱歷燕薊秦周過前代廢都舊邑名賢傑士之遺跡按筆有賦詞旨超絕必驚歷一時

田按方希直稱愚士萍居稿數十卷今四庫著錄僅二卷附會稽懷古詩一卷不過十之一二耳愚士名父之子詩才閎肆不愧乃父愚士領書局修類要在建文二年庚辰十月十二日見周是修芻蕘集竹垞詩話云建文三年同事纂修是年閏月卽病死蓋誤會希直愚士墓誌天子卽位之三載一語耳

對酒

對酒勿傷偶會何常今日同堂出門異鄉同堂之樂樂過千  
春來日大難苦口焦唇翩翩飛燕冬藏春見邕邕鴻雁翔翔  
雲漢顧爾百鳥嘯侶鳴傳我欲鸞弓其聲唼唼此物雖微拙

誠所慎愛屋及烏柔遠能近吳中白苧細若縑素製爲君袍  
願君長御

毛滄兒歌

毛滄兒毛滄兒滄兒生在蘭滄西蘭滄去天萬有三千里土  
人花腳金兩齒滄兒之父名聲達天子天子遣使遠召之滄  
兒隨父來京師滄兒年幾何三歲尙不足兩歲頗有餘頂犀  
眼漆脣抹朱學語未成意態殊麒麟之子宛馬之駒產自絕  
域升天衢人言傳書有種非爾雛爾父年幾何五十逾六未  
及耆十五年落西南夷西南之人愚不識官長麾阿婦女笑  
罵兒童欺肯辭鄉里六親俱白髮黃口同繫累一家盡死一  
身在載錫爾脣惟有天公知天公知又錫爾爵冠帶而裳衣

脫爾介冑參龍虎夔毛滄兒毛滄兒好兒子爾父老矣望爾  
似爾似爾父爾宗有光祝爾長大無諸禍殃吐爾錦心繡腸  
出擅昭代之文章如班馬燕許鳴漢唐毛滄兒毛滄兒父友  
作歌聽勿忘

送楊如愚之長沙教授

除目下楓宸江帆掛晚春長沙今夜月大谷去年人太守分  
賓席諸生揖路塵莫嫌卑濕地岳麓在湘濱

元夕東池上作

未老只傷離春霜著鬢絲纔過拜年日又屬放燈時頭重生  
憎酒心閒熟品詩此身萍葉似漂泊偶東池

營中閒夜

閒坐樂從戎將軍得上公佩刀懸玉虎缸燼剔金虫遠析微  
侵月清笳迴帶風香騰爐面紫火射箭頭紅舞劍知書法談  
碁識戰功明朝當閱武傳令選珣弓

和答孟熙見貽

晚天涼雨碧雲收竹几藤床只卧遊出海鼓笳天上出夾城  
風雨驛邊樓常時中酒翻疑病此日懷人況是秋忽得錙郎  
寄來什贖將詩思滿汀洲

秋夜懷孟熙

西風卷海作濤聲燭影簷花徹夜明況有懷人心似雨暗隨  
秋點出江城

望仙樓圖

馬聲龍影半天來  
月殿霞扉次第開  
一自踏歌歸碧落  
人間空築望仙臺

王紳二首

紳字仲縉義烏人待制諱子官國子博士有繼志齋集十卷

四庫總目紳詩有陶韋風致無元季纖穠之習

送鼎上人還鄉

青原有名緇戒行極嚴具一葦航大江飄飄隨所遇十月天  
雨霜木落林姿露翩然逸興發長歌賦歸去杖錫輕波潯  
袈裟入煙霧月照祇樹西相思渺何處

題小畫

青蘿山下結松樓幾度臨風憶舊遊今日畫圖看彷彿淡雲  
疏木不勝秋